

Ballarina AFQ

Ballarin AFQ

Musik, Theater, Film

Sport, Gesundheitsförderung

Sco ballarina u ballarin preschentass ti differents sauts en il ballet classic e modern, en operas u en musicals. Ti ta preschentass davant public sin tribuna, en il kino u en la televisiun e mussas cun musica ina coreografia emprendida.

Incumbensas

Trenar

memorissar ed exequir pass, figuras e posiziuns
exequir moviments a maun da l'instrucziun da choreografas u choreografs ed integrar resuns
interpretar sauts cun sentiment, latiers tutgan l'expressiun da la fatscha, gests e l'armonisaziun dals moviments
improvisar sulet u en gruppas ed observar en quest connex tschertas prescripziuns coreograficas
collavurar a projects, proponer novas successiuns da saut e preschentar atgnas ideas en il team
sviluppar novas successiuns da moviments e novas furmas d'expressiun per saut, chant e drama

Sa preparar per preschentaziuns

interpretar tschertas rollas u tschertas successiuns da saut tenor la choreografia prescritta
integrar per quest intent tut ils aspects artistics da la rolla
percepir ed integrar en preschentaziuns il public, l'atmosfera, eveniments nunprevis e l'atgna constituziun corporala e mentala
adattar la gestic ed ils moviments ad elements da tribuna, a la musica, als requisits, als costumes, al make-up sco er a l'atmosfera artistica

Planisar la carriera

avair quità da sasez: sa nutrir saun, prevegnir a blessuras e ruassar suenter preschentaziuns strapatschantas
nizzegiar las medias socialas per contacts professiunals, en quest connex er communitgar per englais
crear e tgirar ina rait, p.ex. visitar preschentaziuns e sa participar ad occurrenz culturalas ed artisticas
sa tegnair al current davart ils svilups en l'art
tschertgar plazzas, scriver annunziass, sa participar a castings e negoziar contracts da lavur

Ambient da lavur

Sco ballarina u ballarin collavuras ti stretgamain cun persunas spezialissadas dals secturs saut, musica e produenziun d'art. L'ambient internaziunal pretenda da tai independenza, in senn da responsabladad e l'abiltad da t'integrar en teams. Il barat capita savens en englais. Tut tenor contract has ti preschentaziuns en Svizra ed a l'exteriur, las sairas e las fins d'emna. Quai pretenda da tai l'abiltad da supportar grond squitsch e perseveranza.

Ti chattas savens engaschaments limitads temporarmain. Engaschaments fixes a teaters u engaschaments a lunga vista en gruppas da saut èn plitgusch excepziuns. La concorrenza per talas plazzas è gronda. Pussaivladads d'engaschament datti er en la furmaziun, l'administraziun ed il management da cultura.

Pretensiuns e interess

Pretensiuns

Senn per moviments e per coordinaziun
Talent per musica e ritmus
Abilitad da lavurar en in team
Prontezza da viagià a l'exteriur
Perseveranza e capacità da tegnair la dira
Resistenza cunter stress
Resistenza corporala

Interess

Chantar, sautar, far musica
Esser corporalmain activ
Esser savens sin viadi
Lavurar en il team
Avair contact cun personas

Scolaziun

La scolaziun vegn fatga sco emprendissadi en ina scola a temp cumplain.

Manaschis

Furmaziun pratica: 4 dis per emna

Scola

1 di per emna en la scola professiunala spezialisada a Turitg, Geneva u Lucerna

Durada

4 onns

Direcziuns

Saut classic
Saut contemporan
Musical

Cundiziuns d'admissiun

Terminà la scola obligatorica

Maturità professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Ballarin / Ballarina AFQ

Furmaziun cuntinuonta

Curs e workshops

Curs da la federaziun **Danse Suisse** ↗

<https://dancesuisse.ch/de/ausbildung/weiterbildung>

.

Scola spezialisada superiura (SSS)

Ballarin / Ballarina dipl. SSS

Scola auta spezialisada (SAS)

Bachelor of arts en contemporary dance

Tut tenor la scola auta spezialisada valan differentas cundiziuns d'admissiun.

Professiuns sumegliantas

Professiun

**Spezialist / Spezialista per la
promoziun dal moviment e da la
sanadad AFQ**

<https://www.berufsberatung.ch/de/rm/professiun/spezialist-spezialista-per-la-promoziun-dal-moviment-e-da-la-sanadad-afq>

Professiun

**Creader / Creadra da vestgadira
AFQ**

<https://www.berufsberatung.ch/de/rm/professiun/creader-creadra-da-vestgadira-afq>

Ulteriuras infurmaziuns

Swissdoc Nummer

0.826.12.0

TODO

Danse Suisse – Berufsverband für die professionellen Tanzschaffenden

<https://dancesuisse.ch/de>

TODO

<https://www.becc.admin.ch/becc/public/bvz/beruf/show/90904?lang=de>